

Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
Uprava policije



Босна и Херцеговина
Федерација Босне и Херцеговине
КАНТОН САРАЈЕВО
Министарство унутрашњих послова
Управа полиције

Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

**INFORMACIJA O AKTIVNOSTIMA UPRAVE POLICIJE
MINISTARSTVA UNUTRAŠNJIH POSLOVA KANTONA SARAJEVO
ZA AUGUST 2023. GODINE**

KRIMINALITET

STATISTIČKI POKAZATELJI

U **augustu 2023. godine** na području Kantona Sarajevo, prema službenim evidencijama Uprave policije MUP-a Kantona Sarajevo, **registrovano je 357 događaja** s obilježjem krivičnog djela (devet ili 2,6% više u odnosu na uporedni period).

Od ukupnog broja registrovanih događaja s obilježjem krivičnog djela, **188** ili 52,7% je evidentirano po **poznatom**, a **169** ili 47,3% po **nepoznatom izvršiocu**. **Od ukupno 169 događaja s obilježjem krivičnog djela evidentiranih po nepoznatom izvršiocu, naknadno su rasvijetljena 64 ili 37,9%** (13,9% više od čega je 27 događaja evidentirano u augustu ove godine, a 37 u ranijem periodu).

OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA
U AUGUSTU 2023/22. GODINE

mjesec	Broj događaja s obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj osoba lišenih slobode	
	ukupno	od toga		ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
AUGUST 2023. GODINE	357	188	169	64	37	229	0	126	93	
AUGUST 2022. GODINE	348	172	176	42	26	210	1	129	68	
<i>usporedba</i>	+/-	9	16	-7	22	11	19	-1	-3	25
	%	2,6%	9,3%	-4%	52,4%	42,3%	9%	---	-2,3%	36,8%

U toku augusta prijavljeno je **229 osoba** (19 više), od kojih je **126 povratnika** u vršenju krivičnih djela (tri manje) ili 55% od ukupnog broja prijavljenih, a **93 osobe su lišene slobode** (25 više). U ovom mjesecu nije bilo registrovanih **maloljetnih izvršilaca** (u uporednom periodu evidentiran jedan maloljetnik).

Za događaje s obilježjem krivičnog djela, koji su evidentirani u augustu 2023. godine, prema izjavama oštećenih, nastupila je **materijalna šteta** u ukupnom iznosu od **434.949,00 KM** (u uporednom periodu: 561.964,31 KM i 2.200 €).

Uprava policije MUP Kantona Sarajevo je Kantonalnom tužilaštvu Kantona Sarajevo prosljedila na odluku putem administrativnog djelovodnika ukupno 158 obavijesti o počinjenom krivičnom djelu (12 manje) od čega su dvije naknadno rasvijetljene (jedna manje) i prosljeđene tužilaštvu pod brojem krivičnog upisnika kao događaj s obilježjem krivičnog djela.

**TABELARNI PREGLED DOGAĐAJA SA OBILJEŽJEM KRIVIČNOG DJELA U AUGUSTU 2023/22. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH I BiH**

KZ FBiH i KZ BiH	AUGUST 2023. GODINE	AUGUST 2022. GODINE	usporedba ukupnog broja događaja s obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv ustavnog poretka Federacije	2	0	2	---	2	0	0	---
Protiv života i tijela	28	20	8	40%	21	7	1	14,3%
Protiv slobode i prava čovjeka i građanina	34	42	-8	-19%	30	4	1	25,0%
Protiv spolne slobode i morala	3	3	0	isto	3	0	0	---
Protiv braka, porodice i mladeži	51	27	24	88,9%	51	0	0	---
Protiv zdravlja ljudi	19	17	2	11,8%	19	0	0	---
Protiv imovine	170	197	-27	-13,7%	36	134	45	33,6%
Protiv okoliša	2	0	2	---	1	1	0	0%
Protiv opće sigurnosti ljudi i imovine	8	14	-6	-42,9%	2	6	0	0%
Protiv sigurnosti javnog prometa	8	6	2	33,3%	8	0	0	---
Protiv pravosuđa	0	5	-5	---	0	0	0	---
Protiv javnog reda i pravnog prometa	14	11	3	27,3%	12	2	2	100%
Protiv podmićivanja i KD protiv službene ...	1	3	-2	-66,7%	1	0	0	---
Protiv sistema elektronske obrade podataka	15	0	15	---	0	15	15	100%
Dogovor, pripremanje, udruživanje i organizovani kriminal (KZ BiH)	0	1	-1	---	0	0	0	---
ZONDINOIM - Zakon o nabavljanju, držanju i nošenju oružja i municije	2	2	0	isto	2	0	0	---
UKUPNO	357	348	9	2,6%	188	169	64	37,9%

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Evidentirano je **28 događaja** s obilježjem krivičnog djela iz oblasti protiv života i tijela (isto), i to 21 po poznatom i sedam po nepoznatom izvršiocu. Evidentirano je:

- ubistvo (član 166. KZ FBiH) – jedan događaj (nije bilo u uporednom periodu),
- ubistvo u pokušaju (član 166. u vezi člana 28. KZ FBiH) – jedan događaj (isto),
- teška tjelesna ozljeda (član 172. KZ FBiH) – deset (šest više)i
- laka tjelesna ozljeda (član 173. KZ FBiH) – 16 događaja (jedan više).

Nadležnom tužilaštvu podneseni su službeni izvještaji protiv 25 osoba, od koji je 16 povratnika (64%), a devet je lišeno slobode.

PROTIV SLOBODE I PRAVA ČOVJEKA I GRAĐANINA

Evidentirana su **34 događaja** s obilježjem krivičnog djela (osam manje), i to: ugrožavanje sigurnosti – 33 i zlostavljanje u obavljanju službe – jedan, za čije je izvršenje je prijavljeno 27 osoba, od kojih je 13 povratnika (48,1%), a pet je lišeno slobode.

PROTIV BRAKA, PORODICE I MLADEŽI

Evidentiran je **51 događaj** s obilježjem krivičnog djela (24 više), i to: nasilje u porodici – 48, oduzimanje djeteta ili maloljetnika, zapuštanje ili zlostavljanje djeteta ili maloljetnika i povreda porodičnih obaveza – po jedan događaj za čije su izvršenje prijavljene 52 osobe, od kojih su 24 povratnika (46,1%), a 35 osoba je lišeno slobode.

PROTIV ZDRAVLJA LJUDI

Evidentirano je 19 događaja s obilježjem krivičnog djela iz oblasti protiv zdravlja ljudi (dva više), i to:

- neovlaštena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 15 događaja.

Nadležnom tužilaštvu podneseni su službeni izvještaji protiv 19 osoba, među kojima 11 povratnika (57,9%) i deset je lišeno slobode.

PREGLED ODUZETE KOLIČINE OPOJNIH DROGA U AUGUSTU 2023/22. GODINE

VRSTA OPOJNE DROGE	august 2023. godine	august 2022. godine
Marihuana (paketići)	11	31
Marihuana (u gramina)	210,865	184,034
Heroin (paketići)	1	18
Heroin (u gramima)	0	15
Speed (paketići)	22	4
Amfetamin (u gramima)	272,422	48,33
Amfetamin (paketići)	25	2
stabljika „kanabisa“	0	10
Ecstasy (u gramima)	0,699	0
Ecstasy (paketići)	2,5	0
sjemenke „kanabisa“	0	250
pribor sa ostacima droge (komada)	3	1

PROTIV IMOVINE

Evidentirano je **170 događaja** s obilježjem krivičnog djela protiv imovine (36 po poznatom i 134 po nepoznatom izvršiocu) što je za 42 ili 18% manje u odnosu na isti mjesec prošle godine. Iz ove oblasti najbrojniji događaji su:

- teška krađa (član 287. KZ FBiH) – 87 (17 više), od čega je pet teških krađa na naročito opasan ili naročito drzak način (član 287. KZ FBiH stav (1) tačka b) (jedan manje),
- krađa (član 286. KZ FBiH) – 51 (25 manje),
- razbojništvo (član 289. KZ FBiH) – deset (dva manje),
- oštećenje tuđe stvari (član 293. KZ FBiH) – devet (13 manje),
- utaja (član 290. KZ FBiH) – tri (jedan manje),
- prevara (član 294. KZ FBiH) – pet (dva više), itd.

Nadležnom tužilaštvu podneseni su službeni izvještaji protiv 69 osoba, od kojih je 45 povratnika (65,2%), a 20 je lišeno slobode. Od ukupno 134 događaja evidentirana po nepoznatom izvršiocu iz oblasti protiv imovine **naknadno je rasvijetljeno 45 ili 33,6%** što je za 10,6% više u odnosu na august 2022. godine.

Prema objektima izvršenja teških krađa, 17 je izvršeno u motornim (deset manje), 46 je izvršeno u stambenim objektima (16 više), deset u poslovnim prostorima (devet manje), pet na ulici (dva manje), itd.

Evidentirana su **dva otuđenja putničkih motornih vozila** što je za **četiri ili 66,7% manje** u odnosu na uporedni mjesec. U augustu 2023. godine, pronađeno je i vraćeno šest motornih vozila od čega su četiri otuđena u ranijem periodu

Evidentiran je **51 događaj** s obilježjem krivičnog djela **krađe** (25 manje) i to: u poslovnim prostorima – 21 puta, na ulici - 14, u stambenim objektima - sedam, ugostiteljskim objektima – tri, u vozilima i na stajalištima GRAS-a - dva, itd.

Evidentirano je **pet događaja** s obilježjem krivičnog djela **teških krađa na naročito opasan ili naročito drzak način** (jedan manje), u kojima su izvršiocu, upotrebom fizičke snage otimali novac i nakit, a evidentirani su: na ulici – dva, u sportskoj kladionici, ugostiteljskom objektu i haustoru stambene zgrade – po jedan. Nadležnom tužilaštvu podneseni su službeni izvještaji protiv jedne osobe, povratnika u činjenju krivičnih djela.

Evidentirano je **deset događaja** s obilježjem krivičnog djela **razbojništva** (dva manje), jedan po poznatom i devet po nepoznatom izvršiocu. Nadležnom tužilaštvu podneseni su službeni izvještaji protiv sedam osoba, od kojih su tri povratnika u činjenju krivičnih djela (42,8%). U ovom mjesecu **naknadno je rasvijetljeno pet razbojništava** iz ranijeg perioda.

Razbojništva su izvršena prijetnjom upotrebe vatrenog oružja - jednom, upotrebom fizičke snage – dva puta i prijetnjom upotrebe noža ili drugog oštrog predmeta - sedam puta, a počinjena su u poslovnim objektima – šest puta, na ulici – dva, u stambenom objektu i u apoteci - po jedan.

PROTIV OPĆE SIGURNOSTI LJUDI I IMOVINE

Evidentirano je **osam događaja** (šest manje), i to: izazivanje opće opasnosti – sedam i teška krivična djela protiv opće sigurnosti ljudi i imovine - jedan događaj, a nadležnom tužilaštvu podneseni su službeni izvještaji protiv dvije osobe koje su lišene slobode.

PROTIV JAVNOG REDA I PRAVNOG PROMETA

Evidentirano je **14 događaja** s obilježjem krivičnog djela (tri više), i to: nasilničko ponašanje - šest, napad na službenu osobu u vršenju poslova sigurnosti – tri, krivotvorenje isprave – dva, sprečavanje službene osobe u vršenju službene radnje, nedozvoljeno držanje oružja ili eksplozivnih materija i ovjeravanje neistinitog sadržaja – po jedan događaj. Nadležnom tužilaštvu podneseni su službeni izvještaji protiv 16 osoba od kojih je sedam povratnika (43,7%), a četiri su lišene slobode.

DOGAĐAJI S OBILJEŽJEM KRIVIČNOG DJELA U KOJIMA SU UČESTVOVALI MALOLJETNICI

U augustu 2023. godine nisu evidentirani događaji s obilježjem krivičnog djela u kojima su učestvovali maloljetnici, dok je u uporednom periodu evidentirana jedna maloljetna osoba koja je učestvovala u izvršenju jednog djela (nasilničko ponašanje).

1.4. OSTALA PROTIVPRAVNA I ASOCIJALNA PONAŠANJA

U toku augusta 2023. godine na području Kantona Sarajevo evidentiran je jedan događaj aktiviranja minsko – eksplozivnog sredstva (tri u augustu 2022. godine).

Na području Kantona Sarajevo evidentirane su dvije anonimne dojave o postavljenim eksplozivnim napravama (nije bilo u augustu 2022. godine).

1.4.2. POŽARI

Tokom augusta 2023. godine, na području Kantona Sarajevo registrovano je devet požara (jedan manje), koji su za posljedicu imali dvije povrijeđene osobe. Požari su registrovani na području općina: Centar - tri, Novi Grad - dva, Vogošća - dva, Novo Sarajevo i Ilijaš - po jedan požar. Prema statističkim pokazateljima, pet požara je izazvano namjerno, dva zbog tehničkih nedostataka, jedan iz nehata, dok uzrok jednog požara spada u kategoriju ostalih.

Požari su registrovani u:

- saobraćajnom sredstvu - pet,
- stambenom objektu - dva,
- pomoćnom objektu - jedan,
- poslovnom prostoru - jedan.

Zbog izazivanja požara nadležnom tužilaštvu podneseno je pet službenih izvještaja za počinjeno krivično djelo iz člana 323 KZ FBiH (izazivanje opće opasnosti).

1.4.3. SAMOUBISTVA

U augustu 2023. godine na području Kantona Sarajevo registrovana su dva samoubistva (dva manje).

1.4.4. OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeta su tri pištolja, šest noževa i 256 komada municije raznog kalibra.

Fizičkim licima izdato je 170 odobrenje za nabavku vatrenog oružja i 153 oružna lista.

JAVNI RED I MIRA

U toku augusta 2023. godine iz oblasti javnog reda i mira evidentirana su 344 prekršaja (162 ili 32% manje), za čije izvršenje su prijavljene 354 osobe (166 ili 31,9% manje), od čega 97 povratnika u činjenju prekršaja (56 manje).

Zbog učinjenih prekršaja u oblasti protiv javnog reda i mira izdata su 303 naloga (142 manje) i podnesen 41 zahtjev za pokretanje prekršajnog postupka (20 manje).

Na prekršaje utvrđene Zakonom o prekršajima protiv javnog reda i mira odnose se 320 prekršaja (93%), a na prekršaje koji su utvrđeni Odlukom općinskih vijeća o javnom redu i miru 24 (7%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (183), između 26 i 35 godina (114), između 19 i 25 godina (56) i do 18 godina (jedno).

Prilikom narušavanja javnog reda i mira, nije bilo teže povrijeđenih (isto), dok je osam osoba (isto) lakše povrijeđeno.

Najveći broj prekršaja evidentiran je u PU Centar (110 ili 32%), a najmanje u PU Vogošća – 12 prekršaja.

U odnosu na isti mjesec 2022. godine registrovano je smanjenje broja evidentiranih prekršaja u svim policijskim upravama, osim u Jedinici za saobraćaj gdje je evidentirano povećanje za tri prekršaja (15,8%) i u PU Ilijaš za jedan (60,7%) prekršaj.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA AUGUST 2023/2022.GODINA

PREKRŠAJI IZ ZAKONA O JRIM:	AUGUST 2023.	AUGUST 2022.	+ - %
-Tuče	35	31	4 ili 12,9%
-Naročito drsko ponašanje	33	42	-9 ili 21,4%
-Odbijanje naređenja i omalovaž. pol. služb.	22	35	-13 ili 37,1%
-Neovlaštena upotreba oružja	---	---	---
-Paljenje petardi	1	1	isto
-Prosjaćenje	123	238	-115 ili 48,3%
-Svađa, vika, nepristojno ponašanje	19	16	3 ili 18,7%
-Uživanje opojne droge na javnom mjestu	19	19	isto
-Ostali prekršaji iz Zakona o JRiM	68	80	-12 ili 15%
Prekršaji prema Odluci općinskog vijeća o JRiM	24	44	-20 ili 45,4%
ukupno	344	506	-162 ili 32%

Prema mjestu izvršenja, najveći broj prekršaja evidentiran je na ulicama, trgovima, putevima i drugim otvorenim prostorima (330 ili 95,9%), a znatno manje na ostalim mjestima – 11, u ugostiteljskim objektima – dva i na sportskim stadionima i dvoranama – jedan prekršaj.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA AUGUST 2023/2022. GODINE

MJESTO IZVRŠENJA	AUGUST 2023.	AUGUST 2022.	+ - %
ugostiteljski objekti	2	12	-10 ili 83,3%
ulice, trgovine, putevi i drugi otvoreni prostori	330	459	-129 ili 28,1%
vozila javnog saobraćaja	---	---	---
dportski stadioni i dvorane	1	5	-4 ili 80%
škole i školska dvorišta	---	3	-3
trgovine i zanatske radnje	---	---	---
ostala mjesta	11	27	-16 ili 59,2%
UKUPNO	344	506	-162 ili 32%

U odnosu na isti mjesec 2022. godine, na svim mjestima je smanjen broj evidentiranih.

Na području Kantona Sarajevo u augustu 2023. godine održana su 254 javna skupa (50 ili 24,5% više). Policijski službenici Uprave policije proveli su planske aktivnosti za bezbjedno održavanje javnih skupova i izvršili 74 KDZ osiguranja.

SAOBRAĆAJ

Na području Kantona Sarajevo u augustu 2023. godine registrovano je 811 saobraćajnih nezgoda (97 ili 13,6% više), od čega je 745 s materijalnom štetom (123 ili 19,8% više) i 66 s nastradalim osobama (26 ili 28,3% manje).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U AUGUSTU 2023/22. GODINE

	august 2023.	august 2022.	+ - %
UKUPNO SAOBRAĆAJNIH NEZGODA	811	714	+ 97 ili 13,6 %
Saobraćajne nezgode s nastradalim osobama	66	92	- 26 ili 28,3 %
Saobraćajne nezgode s materijalnom štetom	745	622	+ 123 ili 19,8 %
POGINULI	4	0	+ 4
- vozači	4	0	+ 4
- putnici	0	0	-----
- pješaci	0	0	-----
POVRIJEDENI	79	113	- 34 ili 30,1 %
- vozači	43	61	- 18 ili 29,5 %
- putnici	20	37	- 17 ili 45,9 %
- - pješaci	16	15	+ 1 ili 6,7 %

Saobraćajne nezgode evidentirane su kako slijedi: Novi Grad (227), Centar (216), Novo Sarajevo (161), Ilidža (88), Stari Grad (58), Ilijaš (20), Hadžići (19), Vogošća (16) i Trnovo (šest). Povećanje saobraćajnih nezgoda evidentirano je na području općina: Centar (126 ili 40%), Ilidža (11 ili 14,3%) i Trnovo (za jednu ili 20%). Smanjenje saobraćajnih nezgoda evidentirano je na području općina: Novi Grad (25 ili 9,9%), Stari Grad (šest ili 9,4%), Ilijaš (četiri ili 16,7%), Hadžići (tri ili 13,6%), Vogošća (dvije ili 11,11%) i Novo Sarajevo (jedna ili 0,6%).

U naselju su registrovane 753 saobraćajne nezgode (četiri s poginulim, 54 s povrijeđenim osobama i 695 s materijalnom štetom), van naselja 58 nezgoda (osam s povrijeđenim osobama i 50 s materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U AUGUSTU 2023. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	4	18	36	695	753	4	18	51
van naselja		2	6	50	58	0	2	8
UKUPNO	4	20	42	745	811	4	20	59

Prema **kategoriji puta**, najveći broj saobraćajnih nezgoda registrovan je na ulicama u naselju (597), na magistralnim putevima (73), na lokalnim putevima (68), na regionalnim putevima (42), na putevima koji se ubrajaju u kategoriju ostalih (31).

POSLJEDICE SAOBRAĆAJNIH NEZGODA

Tokom augusta 2023. godine, u saobraćajnim nezgodama na području Kantona Sarajevo 83 osobe su nastradale (30 ili 26,5% manje). Četiri osobe su poginule (u uporednom periodu nije bilo poginulih), dok je 79 osoba povrijeđeno (34 ili 30,1% manje), od čega 20 teže (šest ili 42,8% više) i 59 lakše (40 ili 40,4% manje).

POVRIJEĐENI U SAOBRAĆAJNIM NEZGODAMA

Od ukupno 79 povrijeđenih u augustu 2023. godine, evidentirana su: 43 vozača (10 teže i 33 lakše), 20 putnika (pet teže i 15 lakše) i 16 pješaka (pet teže i 11 lakše).

Starosna struktura nastradalih u saobraćajnim nezgodama:

- ispod šest godina - jedno,
- od 6 do 17 godina - sedam,
- od 18 do 24 godine - 19,
- od 25 do 30 godina - sedam,
- od 31 do 40 godina - 16,
- od 40 do 50 godina - 13,
- od 51 do 65 godina - 13,
- 66 i više godina - sedam.

Starosna struktura nastradalih vozača u saobraćajnim nezgodama:

- od 18 do 23 godine - osam,
- od 23 do 30 godina - sedam,
- od 30 do 40 godina - 14,
- od 40 do 50 godina - 10,
- od 50 do 60 godina - četiri,
- 60 i više godina - četiri.

UZROCI SAOBRAĆAJNIH NEZGODA

- nepropisno izvođenje radnji u saobraćaju - 171,
- neprilagođena brzina - 58,

- kretanje vozilom unazad na kratkom dijelu puta - 42,
- nedržanje potrebnog odstojanja - 27,
- negiranje prvenstva prolaza - 16,
- nedržanje vozila u kretanju što bliže desnoj ivici kolovoza - 11,
- nepoštivanje saobraćajnih znakova - tri,
- nepropisno preticanje – tri,
- uticaj alkohola - dva,
- saobraćaj na raskrsnici - dva,
- nezaustavljanje vozila ispred pješackog prelaza - jedan,
- divljač na putu - jedan,
- ostali uzroci - 474.

AKTIVNOSTI POLICIJE IZ OBLASTI SIGURNOSTI SAOBRAĆAJA

U augustu 2023. godine, policijski službenici Uprave policije MUP-a Kantona Sarajevo kontrolisali su:

- 18.439 vozila i vozača (2.693 više),
- 9.870 osoba u vozilima (2.757 više),
- pregledali 488 vozila (119 više) i 342 osobe u vozilima (51 više),
- 36 vozila je isključeno iz saobraćaja zbog tehničke neispravnosti (devet više),
- 391 vozač je zatečen da upravlja vozilom pod dejstvom alkohola (168 više),
- 411 osoba bez korištenja sigurnosnog pojasa (dva više),
- 153 vozača bez položenog vozačkog ispita (isti broj),
- 49 vozača pod izrečenom zaštitnom mjerom (devet više),
- 560 vozača je zatečeno da nepropisno koriste mobitel tokom vožnje (135 više),
- 1.381. vozilo je učestvovalo u saobraćaju bez važeće registracije (1.088 više).

Zbog kršenja propisa iz oblasti sigurnosti saobraćaja uručena su 18.274 prekršajna naloga vozačima (2.699 ili 17,3% više) i podneseno je 167 zahtjeva za pokretanje prekršajnog postupka (45 ili 21,2% manje). Zbog neprilagođene brzine i prekoračenja dozvoljene brzine kretanja vozila, izrečena je 5.131. prekršajna sankcija vozačima, dok je za prolazak vozilom kroz raskrsnicu na znak uključenog crvenog svjetla izrečeno 77 prekršajnih sankcija. Registrovano je osam događaja s obilježjem krivičnog djela protiv ugrožavanja sigurnosti javnog prometa (dva više).

Policijski službenici Uprave policije su tokom augusta organizovali akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrsnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

S tim u vezi, od višestrukih povratnika u činjenju prekršaja iz oblasti ZOOBS-a oduzeto je ukupno sedam motornih vozila:

MIRUJUĆI SAOBRAĆAJ I KONTROLA PJEŠAKA

Vozačima koji su vozila nedozvoljeno parkirali na javnim površinama, uručena su 7.394 prekršajna naloga (1.594 manje), upozorena su 133 vozača (75 manje), a specijalnim vozilom “pauk” premještena su 302 vozila (137 više). Pješacima koji su kršili propise uručeno je 116 prekršajnih naloga (dva više), a upozoreno je devet pješaka (11 manje).

ZAKONITOST U RADU

Tokom augusta 2023. godine, registrovana su četiri pojedinačna napada (dva više) na policijske službenike Uprave policije MUP-a Kantona Sarajevo. U tri slučaja napadači su koristili motorna vozila, a u jednom slučaju fizičku snagu. Napadi su registrovani na policijske službenike PU Hadžići i Trnovo (dva), PU Centar (jedan) i PU Ilijaš (jedan).

Zaprimljeno je 20 predstavki na rad policijskih službenika, od čega je 17 predstavki zaprimljeno od građana, dok tri predstavke predstavljaju saznanja iz službe. Odbor za žalbe javnosti Skupštine Kantona Sarajevo razmatrao je 17 predstavki i donio zaključak da se za tri predstavke (16 manje), provede unutrašnja istraga, za 13 predstavki je odlučeno da se izvrše provjere i prikupi dokumentacija, a za jednu da je neosnovana. Okončano je 12 unutrašnjih istraga, od čega je Odbor donio zaključak da su u tri slučaja istrage osnovane, u četiri slučaja postupak je obustavljen, u dva slučaja prekinut, u dva slučaja nije bilo dovoljno dokaza, dok je u jednom slučaju stranka odustala od žalbe. Nije bilo registrovanih predstavki koje imaju obilježja korupcije.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su preduzimali aktivnosti u cilju uspostavljanja saradnje s građanima, mjesnim zajednicama, predstavnicima vjerskih zajednica, udruženjima građana i nevladinim organizacijama. Policijski službenici su provodili aktivnosti u oblasti prevencije, koordinacije rada s vladinim i nevladinim organizacijama, implementacije javnih kampanja u cilju podizanja svijesti građana o različitim oblicima društveno neprihvatljivog ponašanja, kao i jačanja partnerskog odnosa između lokane zajednice i policije.

Policijski službenici Uprave policije MUP-a Kantona Sarajevo su izvršili obilazak 162. žrtve nasilja u porodici, kako u njihovim domovima tako i one koje su bile smještene u sigurne kuće”, radi osiguravanja poštivanja izrečenih zaštitnih mjera, veći stepen sigurnosti za žrtve, kao i preventivno djelovanje na eventualno ponavljanje nasilja,

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima trenutno boravi cca 1.696 migranata (674 ili 39,7% manje).U augustu 2023. godine migranti su učestvovali u tri događaja s obilježjem krivičnog djela (jedno više).

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI
NA PODRUČJU KANTONA SARAJEVU U AUGUSTU 2023. GODINE

UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.022
UKUPAN BROJ KONTROLISANIH MIGRANATA	4
BROJ MIGRANATA LIŠENIH SLOBODE	0
BROJ KRIVIČNIH DJELA POČINJENIH OD STRANE MIGRANATA	3
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	2
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	0

Sarajevo, 15.09.2023. godine

Pripremili: Odjeljenje za analitiku, planiranje i evidencije

Obradili: Odjeljenje za odnose s javnošću